

Firenze o **Florentzia** est una zitade de 370.580 abitanter e su capoluogu de sa provintzia de Firenze e de sa Toscana. Est famosa in su mundu ca est istada sa patria de Dante Alighieri, de Giovanni Boccaccio e de medas pintores, iscultores, architettos tra sos prus mannos chi sunt esistidos.

In su Medioevo est istadu unu zentru importante pro sa cultura, su cummèrtziu, s'economia e sa finàntzia: in s'etade moderna est istada sa capitale de su "Granducato di Toscana", a ditada de sas familias de sos Medici e de sos Lorena. Dae su 1865 a su 1871 est istada capitale de s'Italia, a pustis de s'unidade de s'istadu (1861). Bi est un'universidade importante e sa zitade este patrimoniu de s'umanidade UNESCO: est apreziàda pro essere su logu in ue est naschidu su "Rinascimento" e una de sas prus bellas zitades in su mundu, gràzias a sos monumentos e sos museos chi tenet, commente su Duomo, Santa Rughe, sos "Uffizi", "Ponte Vecchio", sa piatta de sa Signoria e "Palazzo Pitti".

Roma est sa capitale e sa tzitade pius manna de s'Itàlia cun unos 2.700.000 abitanter collocados in d'un'area de 1.285 km², est su comune pius populadu e pius mannu de tota s'Italia. Roma est istada sa capitale de s'Imperu Romanu e su centru de sa cristianidade cattoliga. Cun pius de 26 miliones de visitadores in su 2007, Roma est sa tertza tzitade in Europa e s'ottava in su mundu comente numeru de presentzias turisticas. Su tzentru istoricu de Roma est iscrittu in sa lista de sos Patrimonios de s'Umanidade (World Heritage Sites) de s'UNESCO.

Frantza (*France*, in frantzesu) est una nazione de s'Europa otzidentale, chi cumprendet puru s'ìsula de sa Còssiga e tenet dipendèntzias fora de s'Europa comente tzertas ìsulas de s'Oceanu Pacificu, Oceanu Indianu e de s'Atlanticu, e in su Sudamerica sa Guyana Frantzesa. Sa Frantza est un'istadu membru de s'Unione europea. Sa capitale sua est Parigi, is tzitades printzipales sunu :

Marsiglia, Lione, Tolosa, Lilla, Bordeaux, Strasburgu, Nizza, Nantes, Rennes, Montpellier.

Lione (in frantzesu *Lyon*) est sa terza tzitade frantzesa. Est situada in su sud-est de sa Frantza, inue confluini sos rios Saona e Rodano. Lione este sa capitale de sa regione Rhône-Alpes.